

摘藻堂四庫全書薈要

史部

欽定四庫全書叢要

史部

硃批諭旨卷一百七十六之八

詳校官編修臣繆晉

欽定四庫全書薈要卷八千一百四十四

史部

硃批諭旨卷一百七十六之八

硃批高其倬奏摺

（雍正五年十一月十七日浙閩總督臣高其倬謹奏）

奏為奏

聞事竊照十月內臣據南澳鎮營報稱有洋盜在雲蓋
峙到將軍澳劫坐鄭廣利等船隻後又經報有洋
盜在洋劫鹽船戶吳德隆船隻帶去水手杜阿利

一名臣隨嚴飭南澳銅山鎮營各員搜拏茲十一
月十五日據南澳鎮左營遊擊稟稱所差弁兵躍
到廣東普寧縣地方拏住此案賊夥李阿才李阿
昔黃阿鳳三人因普寧縣借去訊供俟訊畢另解
外又拏獲盧阿利李武臣王阿熊三名解赴水師
提督茲准提臣藍廷珍咨訊問盧阿利據供是廣
東海陽縣人盜首係洪伯封共四十四人九月十
三日夜在廣東潮陽鳳規港坐蜆仔船十四日到

臨浦港口刼坐鄭廣利鄭財源繒船二隻分坐不
是在將軍澳彼時洪伯封帶二十三人坐一隻洪
阿福帶二十一人坐一隻伊在洪阿福船上九月
十六十七日到福省將軍澳洋面刼魚船一隻又
刼吳德隆鹽船一隻水手杜阿利是願入夥的隨
回廣東到神泉二十四日洪伯封刼杉木船一隻
即帶人換坐去了小的隨洪阿福因船上無米散
了黨洪阿福原在惠來縣東門住洪伯封是揭陽

縣白塔鄉人拏獲之李阿才等皆係同夥器械有
牌刀竹篙錚百子銃散伙時丟下海去了此器械
俱是揭陽綿湖寨監生莊相老出錢買的等供除
批臬司研審實情查揭將軍澳失事二船該管各
員叅

題并飛飭該營再速上緊務拏盜首洪伯封洪阿福
及窩主監生莊相老各夥盜兼咨移粵省會拏外
所有已獲盜夥供吐情節臣謹繕摺奏

聞謹

奏

緝盜禁姦若稍涉疎縱非比容隱屬員之過希朕寬貸
汝也

同日又

奏為奏

聞事竊查福建廈門兵丁風習愚悍近來因水師提督
前日閱爾續報之摺忽見有業已奏聞之語朕疑訝良
藍廷珍管責甚嚴頗為畏斂藍廷珍向有痰疾吼

久隨經批

爾察覆今覽此奏

始知到遲之故

數千里外

證每發則厥

暈許久方纔

轉過氣來轉

過後又病

關河迢遞漫不計算緩急先後遂逆剋必到之期而預

作是語殊欠精細

要查福省水

師總兵內海

壇鎮總兵朱

文護過提

督印務二次

人尚老成隨

飛用公文委

其署理金

門鎮總兵印

務廈門係其

必由之路一

面密寫一

字并寫一委

護水師提督

印務照會遣

人密送令

其密行帶往

到廈門之時

細看提臣監

廷珍病體

如何若已全

愈伊即前往

金門署理若

提臣病體

如何若已全

愈伊即前往

金門署理若

提臣病體

如何若已全

愈伊即前往

金門署理若

提臣病體

如何若已全

雖好尚未全愈可在廈門看視其病俟全愈時再往金門若提臣病沉即在廈竟幫助料理營務倘有事故即行護理提篆已飛遣前去今臣所遣到廈門之人已回提臣藍廷珍病體已好但尚覺軟弱謹將情節奏

聞抑臣更有請者提臣藍廷珍病雖漸愈秉賦亦壯但年已六十之外恐將來舉發厥暈加重廈門地方關係緊要臣愚昧之見應行預籌臣看金門鎮離

廈門最近現在金門鎮總兵林秀雖有征臺功績
水師亦熟惟是性情輕浮向有貪名臣已遵

旨酌令起身

陞見臣仰懇

皇上簡一可任水師提督之人就近補授金門總兵以
備接辦提督事務庶緩急可資彈壓臣謹繕摺
奏請伏乞

睿鑒謹

奏

水師大員皆在閩粵閩省係爾所屬地方粵省乃貼近
隣封其賢否豈有全無聞見之理若漠然不關全諉卸
於朕朕又不能就近驗試倘致誤用貽害地方爾能辭
其責乎念之殊為寒心至於林秀原無足取所以日前
曾經有諭金門較之海壇尤屬緊要設以朱文謂可更
替即應奏行如以為不可宜將何員調補之處亦當陳
請乃悉置之莫定現任者不能勗勉教導因材器使後

進者亦不能作養鼓舞拔置上列但言林秀之短以為
不克勝任金門或係陸路之缺他省督臣猶可代爾訓
練好員前來更替無如水師各營皆爾所屬爾不訪求
搜羅令朕從何覓人以應似此潔已獨善全不體諒朕
躬恐身名喪失之憂行將及矣

同日又

奏為奏

聞事竊照福建泉州二府民間大姓欺凌小族小族亦

結連相抗持械聚衆彼此相殺最為惡俗臣時時
飭禁嚴查今查得同安縣大姓包家與小姓齊家
彼此聚衆列械傷殺署縣事知縣程運青往勸被
嚇潛回隱匿不報該營遊擊亦不行稟報殊屬溺
職臣一面具疏嚴叅外閩省此等惡習必加嚴懲
嗣後方知警戒斂戢臣亦一面委員嚴拏為首糾
衆行兇者即行杖斃以懲惡俗餘者懲戒料理所
有情節謹先繕摺奏

聞謹

奏

空言自屬可聽實行殊未能信覽奏徒令朕觸目煩心耳

雍正五年十一月十九日浙閩總督臣高其倬謹奏為奏

聞事竊照福省水師提督藍廷珍患病情形及臣遣海
朕並未見此奏斷無忽畧看過辦理之處臣已具摺奏
壇鎮總兵朱文前往看視辦理之處臣已具摺奏

未聞近知事未明晰如何批諭回繳殊批時察奏以聞十一月十九日又臣遣往廈門之人回稟提督藍

藍廷珍年已衰邁倘老病不起此訣實難得人據爾之

廷珍身體復又稍病現今廈門兵丁比提督好時

見孰克勝任

又復覺放縱與臺回班兵爭船打架伏思廈門地

方緊要臣看新任興泉道張廷枚人明白去得現

張廷枚亦係中平材質恐未可大用也

在廈門臣又寫字與張廷枚并復寫字與朱文令

其彼此協同盡心料理務令營伍地方十分妥貼

安靜恐厯

聖懷臣謹將情節再行繕摺奏

聞謹

奏

顏光旰何如觀其奏對甚覺明亮周詳

同日又

奏為奏

聞事竊查福建陸路提督丁士傑到任之始於營伍頗為經心料理近聞耽於逸樂不專心公務以致營伍漸弛且更貪取小利將弁兵丁不服不畏與其

向在京城舊識之人夥通販馬散賣各營以勢制
壓每馬一匹向日十六七八兩不等者今俱要按
照部價庫平二十二兩一匹近因軍政借部冊名
色每營按派十二兩八兩不等又向來提督有親
丁名糧八十分以為養廉前任提督吳陞發出四
十分與營中只存四十分丁士傑要復舊數仍不
肯俟糧出陸續扣補尋事借革兵丁名糧所革之
糧不容營中頂補盡行扣起又揀馬糧合標不服

又近有提標前營兵丁黃宇強割民人王貫之田
被獲送縣有管隊魏三餘丁黃佛同兵丁等搶犯
打傷王貫及至該營遊擊傅為宿送縣將黃佛責
枷又有兵丁將枷犯擡去提督丁士傑不叅傅為
宿當將兵丁止行棍責又提標兵丁歷有抗糧之
習近因提督寬縱抗納益多臣過蒙

皇上格外隆恩不因丁士傑曾經臣保舉敢袒護容隱
臣看丁士傑實不勝提督之任謹先繕摺

奏叅至不能嚴管兵丁之遊擊傅為宿及署晉江縣知縣蘇本潔臣另會疏

題叅謹

奏

覽奏已有旨矣

雍正六年正月初八日浙閩總督臣高其倬福建巡撫臣常賚廣東巡撫臣楊文乾謹

奏為遵

旨定議先行具摺奏

聞事竊臣等欽遵

諭旨將洋船貿易之人留住外國之處會摺議奏欽奉
硃批詳細

訓誨并令臣等定議先行繕摺奏

聞欽此臣等謹遵

旨會同再議得嗣後福建廣東凡出洋船隻俱令地方
官嚴查船主伙長舵工頭棹水手并商客人等共

也

前經

點如有去多回少先將船戶人等嚴行治罪再將

留住之人家屬嚴加追比

詳悉降諭意指甚明乃猶膠執謬見惟恐內地人

委員坐口協同稽查如有報少載多及年貌不符

言之易行之難

者即行拏究保結之人一并治罪回棹時照前查

若干名開明姓名籍貫分取族隣行保出具切實
保結再令同業三船連環互結該地方官一面給
與印照一面加結造冊冊內逐名開寫年貌申報
督撫并該管文武各員俾其照此查驗督撫再行

外出

設為種種嚴切科條殊屬可笑朕實不解

噫嘻

異哉全未領會朕意朕謂歲遠不歸之人既不樂

居中國

者總歸廈門一處出口粵省者總歸虎門一處出

倪倘

有與外夷勾連姦說陰謀不可不思慮預防耳覽

所奏

口其別處口岸一槩嚴禁如有違禁在別處放船

若失

風飄沒無蹤亦追比其家屬有是理乎

之人

其年分之久暫實難稽查前蒙

頒到海洋事宜內載康熙五十六年定例所去之人留

在外國將知情同去之人枷號一月仍行文外國

將留下之人解回立斬等因後奉

聖祖仁皇帝有令回內地之

旨是以歷年回籍之人俱稱係例前所去竟致無可稽查

是何言歟

近年去者豈無親戚隣里之可考證遠年去

者豈無

近事

新聞

之可難詰

泛泛不切之論

總與朕意

者

今若

分別

近年者准其回籍遠年者不准再歸則

相反

通盤

俱屬

錯謬

從何批諭

凡欲

回來者無不自稱

為近年所去反致被其欺

朦臣等愚見仰請於奉

諭

旨准行之後臣等欽遵傳諭到彼處之時定限一年如

有願回之人不論年分遠近俱准其附船回籍查

此論

是但為期又覺太促

明交地方官點驗查管不許復往如一年限內不
回即係甘棄鄉土之人槩不准其再回倘從夷船
附載前來者亦不准進口敢有違禁私縱入口發
覺之日官民俱照容留逃人例議處治罪此定例
立限之處多寫傳單發交出洋貿易商人令其帶
往曉示如此則先去之人可以依限回籍而現在
前往者亦不敢再留異地矣是否可行臣等謹遵
旨先行繕摺具

奏伏乞

睿鑒裁定另疏具

題謹

奏

具題到日有旨

浙閩總督臣高其倬謹

奏為奏

聞事竊照開洋一事經臣

奏請仰蒙

聖恩准行欽遵在案臣隨行令凡飄洋船隻務令將船上人數據實造報先取族隣地保不敢稽留外地甘結地方官加具印結并填左右箕斗再令海口文武各員查驗明白方准放行檄行各屬并張示曉諭已經數月有餘續於雍正五年十一月十三日臣准到提臣藍廷珍咨稱據洋船戶陳國泰等舖戶張喻義等呈稱舵水人等終年操駕手皮粗

厚羅紋不明箕斗難辨且通船數十人臨時開棹
不無死喪病故另行雇募原結難符箕斗不對至
貨客多有別州越府之人臨時搭船令回取結勢
必稽遲風帆請於出口之時將船內舵水貨客姓
名年貌籍貫逐一造報同殷實行家具結赴廈門
同知及水師提督中軍衙門存案入口之時如缺
少一人遺留外國重甘罪責等由又據管理海關
事原任鹽驛道陳豫朋詳同前由臣行司道詳議

隨據會詳在廈行保多係有身家之人舵水商客
責成該船戶具結仍著各行保船戶五名互結送
廈門同知及水師中營衙門查驗日後回棹時按
冊查點倘有互異將原保結之行保船戶嚴治其
罪以此責成則船戶不敢容其冒頂而箕斗似可
免填亦可不必取具隣族保結矣等因臣隨批水
手人等牽篷扯索箕斗不明免其填註至取隣族
地方保結一節通飭已經數月何以俱不遵照取

具此時方以風帆為巧飾之詞且商客船主皆泉漳之人居多相離不遠俱行仍令取結批行去後近聞各商客仍有以坐失風期有誤客貨為詞在厦具呈請詳者似此奉行已數月之久相隔地遠者不過數百里乃竟不回縣取結延至臨時欲以誤期誤貨脅制冀免以便營私臣斷難任其借端脅制遂其刁計所有情節臣謹詳行繕摺奏

聞謹

奏

堅執不移甚善魯論云民無信不立凡百處悉宜如是
無可疑者當此創始之際稍若游移將就向後法不行
矣誤貨誤期皆伊等自誤與人何涉

同日又

奏為奏

聞事竊臣訪得興化府莆田縣軍犯郭允宣原係武舉
恃家富族盛霸惡強橫為害地方犯事發配山海

衛令人頂替又復報死潛回從前數年躲在鄉中
教人拳棒近因年老事久常常回家潛住通縣之
人俱畏其族強勢大不敢舉首至於府縣衙役營
兵頭目人人交厚百方為之隱蔽臣近訪其回城
度歲密令遊擊李蔭樾躡實拏獲據供係先以人
頂冒後報病故康熙五十七年逃至京中居住五
十八年逃回福建先年原教拳棒近日老病無曾
教人等語除臣已行具

題外所有情節理合繕摺奏

聞謹

奏

斯舉甚屬可嘉事事咸肯似此留心整理何慮地方殘穢不除風俗不美郭允宣亟當處死以為不法者戒

同日又

奏為奏

聞事竊查福建人情愚悍輕浮好事凡有喧鬧一唱百

和泉漳二府尤甚雍正五年十二月十一日學臣
程元章在漳州府教場考試馬箭因人擁擠軍牢
執鞭趕打誤打著武生何衝斗衆生童人等遂因
此喧鬧丟擲瓦石其所以如此之故因學臣矢意
拔擇實才凡武童必要其弓箭好漢仗可觀者方
看策論取進其年老弓箭不堪者俱止令射一二
箭即行攔下不令再射無知之徒因此懷怨遂借
以洩憤而好事之人亦相附和似此惡習大干法

紀而生童如此尤可痛恨除當時學臣程元章已
令提調掣獲棍童徐仲顏英林鳳等七人臣據各
屬員稟報業已飛飭地方官盡力嚴拏詳行研審
務得實在為首之人盡法嚴擬重懲另行具

題外所有情節臣謹先繕摺奏

聞謹

奏

好朕已聞之業經有旨矣

同日又

奏為奏

聞事竊照水師提臣藍廷珍患病情形經臣具摺

奏明續於雍正五年十二月二十三日臣所遣往問
視提臣之把總胡楷稟稱提臣藍廷珍病已全好
見屬員辦事如常該把總面見惟氣比前少弱今
年正月以來比前全好所有情形臣謹繕摺奏

聞謹

奏

藍廷珍病已全愈業既聞之矣水師提督一任仍當留心預擇克勝之人朕亦時時在念此缺實屬緊要

同日又

奏為奏

聞事竊查閩省同安縣大姓李姓陳姓蘇姓莊姓柯姓合為包姓小姓各雜姓合為齊姓彼此聚眾列械格鬪互相傷殺一事經臣將不行報出之署同安

縣知縣程運青署同安營遊擊孫瀛

題叅臣看原任臺灣府知府孫魯雖不勝臺灣之任
然人頗明白歷練隨委令前往辦理又委延平協
右營遊擊張起雲往署同安營遊擊事務福州城
守營守備王振署理同安營守備事務

命往候補知縣吳永權署理同安知縣事務令會同將
為首之人查拏嚴審又將臣辦理之意詳諭令其
先行嚴切曉諭如仍敢藏匿不出聽審即著兵役

嚴拏為首之人加倍重處茲據孫魯張起雲等稟
稱到同安嚴行曉諭數日之後其大姓小姓各為
首之人俱皆一一投出聽審隨將大姓為首之李
邦小姓為首之葉祖傳皆行監禁餘兩邊幫附為
首之人俱分別拘候臣已令興泉道張廷枚同孫
魯會同地方官研審實情分別嚴懲另行具

題請

旨以警言愚悍外所有兩姓為首之人發審情節臣謹先

閩省此種惡習當力懲之天下未有不可整飭之風俗
行繕摺奏

不可教化之百姓亦未嘗不可委用之屬員總在督理
聞再查福建泉漳二府大族強橫此風相延不息皆因

得人與否耳不得其人雖醇樸易治之區亦將變為蕩

泉漳之地每一大族之多事者其中必有姦惡有

競難治之地泉漳人情強橫至是良由從前督撫寬縱

力之人暗提線索衆人聽其指揮伊却不出頭置

使然若再經一二任好好先生為之則將流蕩至於不

身事外另尋一愚悍潑賴之人率衆與別族械鬪

可問矣

即如此一事其大族率人械鬪者係李邦固是一

兇頑慣盜然臣細訪此族中平日為之主持暗提

線索者乃係李衷是原任叅將李若驥之兄捐納

貢生一切爭鬪皆伊主持一切訟盜皆伊護庇若
此事據外面情節止處李邦不處李衷仍不足以
警戒姦頑今拘審之時李衷已令到案臣必究其
平日惡蹟另行嚴懲好臣之愚見嗣後凡泉漳生事
之大族細訪察其如此暗提線索之人及敢於率
衆打鬪者重則杖斃稍輕則充發遠省使衆人知
警不敢為主張倡率之人庶其風可以漸息而遠

應如是

發之人地遠勢孤亦必不能倡和為非再泉漳二

府向因防海寇家家有刀鎗器械自守遂沿為積
習以為故然今應因此格鬪查收但地方守令及
營汛員弁若不善於辦理稍假手胥役目兵不但
滋擾而所收仍必不能清楚臣先揀最緊要之處
擇能辦之文武各員即行查收料理其餘以次料
理此懲戒為首之人及查收鎗械臣必竭力辦理
期有成效斷不因循遲緩謹一并奏

聞謹

奏

此等處要須鼓舞屬員實心盡力方能有濟設遇一二
有為者甫欲整理稍加振作緣耳目不明讒謗易入拘
以文法不原其情輒目之為多事喜功屬員窺見隱微
人人惟思潔身自全而已誰肯任怨冒愆勇往向前汝
等督撫操通省權衡意指所向好惡愛憎關係匪淺若
肯強勉如此力行一二年後見有成效始信朕言之不
誣也一人之精力有限如不能合衆力以為用諸務殊

難就理惟宜廣視聽勤訪察再加以委用得人則何事不克辦集耶

同日又

奏為恭謝

天恩并陳臣 惓事竊福建省倉穀錢糧蒙

皇上特命廣東巡撫楊文乾浙江觀風整俗使許容吏部郎中鄂彌達內務府員外郎今陞福建鹽運使伊拉齊等會同福建巡撫常賚徹底清查今積年

銀穀仰荷

皇上隆恩皆已一一清楚臣感激無地慚愧無地伏念
臣身叨封疆重任復受格外

深恩於此緊要重務不行清楚查辦仰負

聖恩俯慚臣職惟有跪懇

皇上將臣重賜治罪臣心稍以得安臣繕

奏之際執筆愧無一詞謹此恭謝

天恩并陳下悃伏乞

睿鑒施行謹

奏

似此虛浮套語朕殊厭覽

雍正六年二月初十日福建總督臣高其倬謹

奏為奏

聞事竊查福建地方自上年冬末日日晴霽今年正月
上半月以來又連皆晴天福省地暖麥熟頗早二
麥急需雨澤即稻田雖尚未至種時其田中亦得

雨水浸泡土方酥軟將來插秧易於暢茂茲自正月二十日至二月初旬日日有雨且又甚大二麥甚為得力現已有抽穗者百姓僉云一定有收稻田內之水俱滿將來早稻插秧水可足用再自上冬至今春福省米價和平惟正月初民間見無雨恐麥不收成泉漳米價畧長每石賣一兩六七錢今得雨之後又每石仍賣一兩四五錢不等所有情形臣謹繕摺奏

聞謹

奏

據奏閩省情形已悉未知汝曾聞浙豫滇黔荷蒙

上蒼所賜之雨雪膏澤否也

雍正六年四月十二日福建總督臣高其倬謹

奏為奏

聞事竊照福建今年二三月以來雨水甚多各府二麥俱有八分以上收成早稻各處已插完十分之九

所餘者現在栽插惟三月二十一二等日大雨甚
急山溪之水下來太驟福州府之西南二三十里
內稻田所種之秧水俱蓋過秧頂數寸亦有一尺
多者一日之後雨止水退稻秧依舊青茂竝無傷
礙餘延建泉漳等七府俱無此大水稻田俱好至
各府米價目下每石自一兩二錢起至一兩五六
錢不等所有情形臣謹繕摺奏

聞謹

奏

閩省自不能全慶豐收何也吏治如斯安望嘉應俟朱
綱到任後或看有無徵驗

天道惡偽惟一派公誠方能默有感召

同日又

奏為恭謝

天恩凜遵

聖訓事竊照福州副都統阿爾賽自京回閩口傳雍正

六年正月初八日欽奉

皇上訓誨微臣

諭旨臣跪聽之下感激涕零伏念臣一介庸愚仰蒙
聖恩畀以海疆重任柔懦愚昧罪戾山積捫心自問夙
夜無以自安乃荷

聖主天高地厚之恩

訓誨諄諄無微不至臣若不警心刻骨痛自悛改不但

上負

聖恩抑且有覲人類嗣後臣必痛改柔懦斷絕猶豫凡
辦理事務及分別屬員務立剛果一定之見不存
游移兩可之習除預備水師提督人材及稽查料
理沿海姦民之處臣另摺具

奏外所有臣感戴凜遵

聖訓情節繕摺奏

聞謹

奏

嗣後痛改與否在汝捫心自揣耳

同日又

奏為奏

聞事竊臣前

奏摺內欽奉

硃批顏光昨何如又福州副都統阿爾賽回閩口傳
聖諭水師提督藍廷珍年紀已老

命臣於所知人內預思賢員以備將來任用欽此欽遵

伏查福建水師提督之任實為緊要藍廷珍近日病已全好現在辦理但年已六十之外又有舊日疾病預行選備人材我

皇上睿鑒深遠周詳無微不至臣謹就愚昧所見據實詳

奏

臣看新調臺灣總兵王郡人明白來得向在浙江

臺灣

地方最關緊要豈可動移王郡人材原屬可取雖

然經

此一任再看

留住省城數日又加細看其於福建及臺灣情形

極為熟悉且於海疆事務甚知輕重緩急之宜能有定見過海屢次並不暈船水師中事務亦俱知道臣以為可預備水師提督之用福寧鎮總兵顏光昨老成歷練辦理營伍井井有條可勝一提督之任船則不相宜矣近來間亦有病惟坐海船頭暈雖水師提督

若暈

係總統調度之人不比將備必要衝風破浪然遇有緊要之處亦須身到目擊則指麾更為親切而將士愈加奮勉若才勝提督之任又能不暈船乃

為更好福州副都統阿爾賽人來得辦事勤密亦

伊自不敢承當此任無庸預擬

朱文

暈船海壇鎮總兵朱文熟於水師操守好辦事勤

非弱也乃過於解事不肯擔任耳亦豈提督材料

慎擔當處畧覺稍弱在福建水師中是一好總兵

以上四人臣所知之中俱係好者就臣愚見若預

備水師提督之選臣以為王郡為首可備任用阿

爾賽次之顏光旸又次之朱文又次之其實料理

營伍以阿爾賽之才具與顏光旸之諳練相較原

不相上下但臣細查人之不暈海船可以操演而

能即閩省水師之中生來毫不暈船者千百人中
不過數人其始終暈吐操演不來者千百人中亦
不過數人其餘皆漸漸操演久之自能不暈顏光
昨年紀亦大似難操演阿爾賽年力壯盛可以操
演故臣以為顏光昨次於阿爾賽臣謹就所見奏
所論雖是皆不切當適許良彬來京陛見可勝此任朕
聞伏乞

甚慶得人心少安矣

皇上睿鑒再南澳地方緊要為粵閩洋盜出入門路此
處嚴密實在扼住盜艘之咽喉并可查盜窩之根

脚現在總兵陳祖訓居官及才調俱係中平不勝
此任臣查海壇一鎮其緊要比南澳少差臣謹仰

乞

已有旨將許良彬調補南澳矣陳祖訓到金門之後若
皇上聖鑒以朱文與陳祖訓對調於人地相宜海疆有
奮勉盡職則已如仍懈弛不稱具疏叅來
益再水師人材甚關緊要臣謹就臣所知詳細另

繕名摺恭呈

聖覽仰備

睿鑒謹

奏

水師列名一摺留覽斯不過就汝目前所見而言將來亦不可固執謂已有此摺在大內也

同日又

奏為欽遵

聖諭事竊照福州副都統阿爾賽回閩口傳欽奉

聖旨中國民人過海到外國居住有十年十數年者回來沿海居住造捏無影浮言煽惑人心無識愚人不

辨是非有從之妄行者亦未可定似此應密諭地方
官巡查訪察有此等之人不可令在海邊居住當遷
移之於內地散其隨附妄行之黨不但內地清靜即
外國聞之亦生警懼矣欽此臣謹欽遵

聖諭除密行兩司沿海道府廳縣各鎮協營文武密查
細訪并密咨會撫臣水陸二提臣嚴密察訪實力
查拏外臣更另自嚴密設法詳細時時加意訪查
并切諭屬員不時上緊留心一有此等人消息形

跡立即嚴拏必獲務盡根株情重者盡法嚴處餘
充發腹省其有經臣訪拏究實而屬員不知者嚴
叅重懲以絕引誘之源煽惑之弊庶惡黨無所藏
姦外地聞而知警所有臣欽遵查拏辦理之處謹
繕摺奏

聞謹

奏

實力設法搜緝留心密訪始不致有疎漏空言何益勉

為之

同日又

奏為欽遵

聖訓痛自奮勉事竊臣前奏水師提臣藍廷珍患病一摺奉有

皇上硃批臣跪讀之下不勝愧慙惶悚涕淚如雨雖犬馬猶知報主况臣過蒙

天地之恩仰荷封疆之任寧甘犬馬之不若嗣後惟矢

此寸心恪遵

聖訓竭盡心力痛改優柔訓勵所屬將備培植水師人材務期少有實效斷不徒飾具文至一切賢否可任與不可任之處必就臣所見決定再仰請

聖鑒總之臣果能如所

奏與否自難逃

皇上睿照之中臣斷不敢一毫粉飾所有臣恪遵

聖訓痛自奮勉下悃謹繕摺奏

聞仰祈

睿鑒謹

奏

凡人但於晨起出戶時仰首對

天無慚晚歸就寢時捫心自問不愧斯於立身行己之道
其庶幾矣

同日又

奏為恭繳

奏摺事竊臣欽奉

皇上發交臣審周鍾瑄一案禪濟布汪繼煥景考祥等
奏摺共三件又宜兆熊毛文銓會

奏摺一件今此案經臣審擬業已另疏具

題仰祈

睿鑒外所有臣原欽奉到

皇上發交臣

奏摺四件理合恭繳謹

奏

此案之審擬殊屬可笑之至即斯一事據所辦理而論
若言已知朕意所向痛改前尤實令人疑而難信也原
交四摺仍復發回爾將日前朕所面諭此案之始末情
節一一備述與朱綱許容知之

同日又

奏為臣罪難逭恭謝

天恩事竊臣前奏摺內欽奉

皇上硃批前日閱爾續報之摺忽見有業已奏聞之語
朕疑訝良久隨經批爾查覆今覽此奏始知到遲之
故數千里外關河迢遞漫不計算緩急先後遂逆尅
必到之期而預作是語殊欠精細欽此臣跪讀之下
不勝慚懼所奏之事關係緊要臣乃不計程途之
緩急到期之先後疎忽錯誤以致上煩

聖心臣實罪不可逭仰蒙

天恩仍加以

訓誨臣感激無地惟有愧懼戰慄謹繕摺恭謝

天恩伏乞

睿鑒謹

奏

總屬可笑絜矩之道全然未講身不居帝王之位遂不知帝王之苦衷目不親士庶之事又焉知士庶之疾痛朕之苦衷非但不能深知併且全不體諒安望能仰慰朕懷耶

雍正六年六月初七日福建總督臣高其倬謹

奏為奏

聞事竊查福建四月以前雨水甚勻各處二麥有八分
以上收成米價平減泉漳二府尤為平減四月間
泉漳糙米每石只賣銀一兩二錢自四月末至五
月十六七日福興延建邵汀六府及福寧州二旬
無雨早稻覺旱於五月十八九至二十五六等日
各府俱陸續得雨除延建邵汀四府其稻係只種

一季者收成在九月十月其分數方定現在田禾
秀茂至福興二府之田係先種早稻六月內收畢
早稻又插晚稻九月十月間再收晚稻泉漳兩府
亦然現今此四府之早稻俱已刈穫漳州府有九
分收成泉州府有八分以上收成興化府有八分
收成福州府得雨稍微高田未透足其低田有八
分收成平田有六七分收成高田有五分收成福
寧州地方俱經得雨亦尚未透足臺灣府雨水勻

足禾苗茂盛其稻收割尚遲現在各府米價如常
甚平泉漳二府比四月之價每石又減一錢再今
年閩省四月中五月各府之地俱有時證頭疼發
熱皆病三五日即愈不甚傷人臣等率同各屬俱
施設醫藥調治現今時氣已退病者已少所有各
項情形臣謹繕摺奏

聞謹

奏

覽

雍正六年七月初六日福建總督臣高其倬謹

奏為奏

聞事竊查臺灣道吳昌祚陞任員缺臣接准部文以朱
鴻緒補授臣又接准吏部咨開雍正六年五月初
二日奉

上諭前朱鴻緒在朕前奏稱鳳陽府原有積欠十萬餘
兩伊在任設法勸諭督催於二年之內將積欠十萬

餘兩悉行催完所欠不過數千金等語朕以其實心辦事曾經降旨嘉獎今聞鳳陽府積欠並未全完刁承祖接任始徵收三萬餘兩尚有七萬餘兩未曾完納不知朱鴻緒從前陳奏是何意見著行文朱鴻緒令其明白回奏欽此合咨等因到臣欽此欽遵臣擬俟朱鴻緒到閩之時即遵

旨令其明白回

奏迄今已久朱鴻緒尚未到閩臣愚以為臺灣地方

緊要道缺既難久懸且恐朱鴻緒或係一膽大妄誕之人即使到閩令其赴任伊若任意行為必致貽誤臣因地方起見謹一面奏

聞一面俟朱鴻緒到閩臣竟留之省城令其明白回奏候

旨至臺灣道一缺臣看新到汀漳道孫國璽前在杭州知府任內官聲才具俱好近見其人心地明白為人端方用之海外重地似為相宜仰祈

皇上以孫國璽調補臺灣道其朱鴻緒俟其明白回

奏之後若無虛妄之處再以道員補用臣謹就所見
繕摺奏

聞伏乞

睿鑒謹

奏

此奏甚是已有旨矣

雍正六年八月初十日福建總督臣高其倬謹

奏為奏

聞事竊查福建省自七月初旬以來興化漳州汀州建寧邵武延平福寧六府一州之各屬有報得雨霑足者有報得雨甚大者有報連得小雨者將來晚稻俱可有收其雨小之處不過收成稍減惟福州泉州二府所屬天氣甚旱除永福縣已報霑足其古田羅源閩清安溪永春德化六縣俱報已得大雨晚稻將來可得五六分收成餘福州府屬之閩

縣候官長樂福清連江泉州府屬之晉江南安同
安惠安此九縣所有晚稻十停之中田內無水竟
不能種者二三停已種稻而乾壞者二三停俱無
收成餘四五停內有山泉及潮水浸泡者二分有
水可車潤者三分此四五停之田將來晚稻可望
四五分收成臣同撫臣朱綱現遣員詳細踏看分
別成災分數另行具

題外臣前

奏摺內奉有

硃批閩省自不能全慶豐收何也吏治如斯安望嘉應
俟朱綱到任後或看有無徵驗

天道惡偽惟一派公誠方能默有感召欽此欽惟我
皇上聖鑒早已見徹

聖主睿照如神臣罪萬死莫贖臣奉職無狀深負
聖恩上干

天和下貽民瘼慚愧汗慄無地自容伏乞

皇上立賜嚴治臣罪以為不誠不公貽誤封疆之戒臣
實無詞但臣犬馬寸忱更有冒死仰懇

天恩者臣當無事之時玩廢封疆而當旱災既成之後
將難辦之處卸肩他人雖則臣膺重罪而臣仍因
此作事外之人臣心萬不能安萬不肯安臣謹垂
淚叩頭仰懇

皇上重治臣罪或暫留閩聽督撫差遣檢旱災最甚極
緊要之地令臣幫同州縣辦理一切糶賑之事事

一竣畢即正臣罪使臣心於萬分難安之中得盡
犬馬之心於毫釐死亦瞑目實出

聖主天地父母之恩臣不勝惶悚愧慙之至謹
奏

果肯如此誠心悔過返躬自責試觀來年
上天之錫佑必不爽也

同日又

奏為奏

聞事雍正六年四月十八日臣訪聞臺灣北路地方有
姦徒結盟拜把藏有大旗二面長槍四十桿以雙
龍啣珠銀班指為號又有僧人梁懷以假辦冒為
俗人形跡可疑臣隨飛檄臺灣鎮道府縣密行訪
緝嚴拏會訊去後於四月二十一日據臺灣鎮總
兵王郡稟據諸羅縣知縣劉良璧訪聞縣屬荖仔
林地方有無知棍徒招類結盟拜把隨經拏獲湯
完陳岳二名又續獲蘇亮賴妹朱寶陳斌魏迎魏

祖生共八名嚴訊衆供相同除蘇亮相約未到外
餘係每人出銀一兩陳斌起意招人於雍正六年
正月十三日在湯完家結父母會軟血拜把共二
十三人湯完為大哥朱寶為尾弟三月十九日係
湯完生日又要招人拜把十八日即被拏獲等情
并據臺灣道府及諸羅縣報同前由臣又批令務
盡嚴拏夥黨去後於七月初七日據臺灣鎮道府
縣等各稟稱陸續又拏到蔡祖黃富方結吳竈張

壽吳科王馬四黃贊許亮林二十人反覆嚴訊
與前獲之湯完等所供無異刺血滴酒設誓拜把
是實竝無大旗長槍軍器除未獲之阿又林生林
茂鬼里長蘇老興現在嚴拏務獲究擬蘇亮審無
入夥外查定例異姓歃血訂盟不分人之多寡照
謀叛未行律為首者擬絞監候為從者杖一百流
三千里此案雖湯完為大哥實係陳斌起意招人
應以陳斌為首擬絞監候其湯完等各犯均照為

從擬流黃贊蔡祖朱寶年未及歲應照例收贖具
稟前來又臣於八月初一日據諸羅縣稟報於六
月內該縣同守備楊樊訪得縣屬蓮池潭亦有棍
徒拜把拏獲陳卯一名供係蔡蔭為大哥共二十
一人隨又陸續拏獲蔡蔭林寶楊派田妹廖誠林
元洪林生周變黃戊董法石意黃富曾庭蕭養等
嚴訊係蔡蔭為大哥雍正四年五月初五日與陳
卯林寶楊派田妹廖誠周變周添曾文道吳結林

元黃富董法十三人結盟是實竝未軟血又於雍正六年三月十八日在蕭養家飲酒舊盟十三人新添洪林生施俊郭緞曾冠陳郡黃戊蕭養石意八人共二十一人再行結父母會拜把內周變不到共二十人仍以蔡蔭為大哥以石意為尾弟竝無器械擬將蔡蔭照未結軟血焚表結拜兄弟為首例杖一百折責四十板陳卯等合依為從例杖八十折責三十板內董法石意僅十五歲應照例

量子責懲曾文道周添吳結施俊陳郡五犯嚴緝
務獲究擬又據臺灣鎮道知府亦各稟報到臣臣
查臺地遠隔重洋風習不純人情易動此等之事
懲治當嚴且結盟以連心拜把以合黨黨衆漸多
即謀匪之根何可從輕發落臣擬將湯完陳斌俱
行令曉示立斃杖下以示懲警餘人照例解審問
流蔡蔭二次拜把為首亦應杖斃餘者加重枷責
押過海交原籍禁管安插隨將此意商同撫臣朱

網撫臣意亦相同正在會同檄行臣又訪聞此二
案內頗有案盜在內若曾經為盜雖為從者亦難
輕縱臣現又飛行確查俟分別明白再行詳飭發
落所有情節臣謹先行奏

聞其梁懷一名細令研審實係貪戀幼童故扮俗人無
為匪情由除臣行令查明係何項之僧照例加處
謹一併附

奏

知道了處斷俱屬合宜

同日又

奏為奏

聞事竊查福建飄洋船隻仰蒙

皇上隆恩准令前往外洋貿易臣隨欽遵行令廈門文武各員將各飄洋商船人貨俱取地方官印結及行家的保各結嚴查明白陸續於雍正五年十月以後六年三月以前共船二十一隻由廈門出口

前往今於本年六月末旬至七月內據署泉州海防同知張嗣昌前後共報商船戶魏勝興等一十二船俱已回廈共計載米一萬一千八百石餘係燕窩海參蘇木牛皮各貨原人俱各照數回廈惟高陞船內有原去客人康萬王之賜二人因貨賬討不起暫留住咬啣吧討賬俟來年搭船回籍又魏勝興船內載回原留住咬啣吧人黃龍等五人內林哲一名在船病故林萬春船內載回原留住

咬啣吧人郭堂等四人謝合興船內載回原留住
咬啣吧人陳伯等三名高陞船內載回原留住咬
啣吧人郭加等十八人女眷一口小男孩二口小
女孩一口甘宏源船內載回原留住咬啣吧人李
從一名陳得勝船內載回原留住安南人陳茂興
等三名各等因到臣臣隨飛飭該管文武各員將
帶回之人詳細訊供係何年留住外地係何縣人
何處居住家中有無父母妻子詳行查訊具報去

後茲據署泉州海防同知張嗣昌查訊今已經報
到者據訊問魏勝興船內帶回之黃龍供係龍溪
縣人在西門內居住有妻有二子在咬啣吧十七
年了在彼賣茶生理據朱猜供係龍溪縣人南門
外居住有妻有一子在咬啣吧十八年了在彼種
田據韓聘供係龍溪縣人在北門保居住有妻有
一子在咬啣吧十八年了在彼種園據陳厚供係
龍溪縣人在二十七都長州鄉居住有妻有一子

一孫在咬啣吧十五年了在彼賣草等因并詳將載回留住外洋各民人交各地方官查明安插前來臣隨批令將伊等押交各該府縣取具族地的保嚴密收管暫令在家居住外臣查留住外國人民一事自開洋一年以來詳細留心察訪近確知

此等留住外國之人實因往彼貿易種田謀生其母即信以為然寧可再加察訪在外如許年歲一旦復留髮情節實因咬啣吧呂宋俱係和蘭國人皆留回安保毫無情故飭令屬員徐徐設法誘問務悉其底髮住居彼地貿易若不留髮不能住居行走實無

裏

他故臣愚昧之見詳看情節此項回來之人應著落各該管地方官查明取保嚴管安插不許滋事亦不許再行前往但係久住外國回來之人臣未敢擅便謹繕摺請

旨伏乞

睿鑒謹

奏

俱係未經奉旨宣示以前之人應准安插原籍但須留

心察訪其情形耳

雍正六年九月十七日福建總督臣高其倬謹

奏為奏

聞事竊照福建省入秋各處缺雨情形臣已繕摺

奏明此後各處陸續俱得小雨至八月十三四兩日

各處俱得大雨各處晚稻雖未收割看其情形漳州府可有八分收成汀州府福寧州可有七分收成其餘各府俱有六分收成惟福州府屬之閩縣

候官長樂福清閩清五縣泉州府屬之晉江南安同安三縣雖俱得雨其未插之田及已枯之稻皆不能有收此八縣已據報具疏會行

題報又泉州之惠安縣晚稻亦無收成現經臣批查此一縣俟另行查報再臺灣府七月中旬以前雨水甚好田禾茂盛自七月半後至八月初旬俱缺雨水田禾亢旱近據報呈八月十三四日俱得大雨田稻可望收成但尚有雨水未足之處將來收

成必稍減分數等因臣謹將雨水情形詳細奏

聞臣查福建人稠田狹豐年米穀貴於他省今秋成歉
薄歲底來春價必昂長應預行酌量情形籌備平
糶米穀以平市價以備民食現在延建邵三府所
屬雖收成不甚豐足素係產米之地尚可自給汀
漳二府收成尚好漳州民雖繁多亦現有所存運
貯江浙米穀足備接濟青黃不接可無庸預籌外
其福屬之閩候福長清泉屬之晉南惠同九縣較

他處收成更薄人民更稠將來米價必至騰貴今
總計福州府各項米穀共可得米一十二萬六千
餘石泉州府各項米共可得米四萬一千九百餘
石以備來年平糶似屬不敷此應早籌接濟臣再
四細思福州府應再籌備米四萬石方可敷用此
外再多備萬餘石以接濟興化府二縣海壇金門
銅山烽火各處兵民稍不足之用泉州府再應籌
備米八萬石三共應需米十三萬石計臺灣來年

例應運米五萬石撥糶泉州漳二郡今年收成稍好
來年只須撥二萬石以三萬石撥糶泉州但廈門
亦屬要地應分糶一萬石以濟廈門所餘之米泉
州可得二萬石尚不足六萬石臣再查今年臺灣
應運糶泉州漳米五萬石因泉州漳米價甚平不曾撥
運仍存臺灣前酌令撥運穀十萬石易補福倉今
補倉之處且可不行祇以備濟平糶為重應趁此
冬春間仍令臺屬運米五萬石即速辦理發運以

米三萬石運赴福州合之現存之米微覺歉少然
僅不足萬餘石亦易籌濟如此則福州平糶有資
至泉州所少之數應令臺屬將五萬米之內運二
萬石到泉其尚不足之四萬石再加接濟興化等
處之一萬石共五萬石應目下即行委員將現在
存司米價交令齎往江南買米五萬石於今冬來
春運到以備接濟如此則泉州及興化二縣各島
亦平糶有資矣臣現與撫臣朱綱商酌另行具

題辦理所有情節謹先繕摺奏

聞謹

奏

前據朱綱奏到業經有旨將江浙漕米截留二十萬石以濟汝等之用今覽所奏閩省現存米穀情形再加以截留之米似可從容辦理矣倘慮仍有不敷當預行奏聞候朕更為裁酌凡事有備則無患免致臨期張惶失措也

雍正六年十月初八日福建總督臣高其倬謹

奏為奏

聞事竊照臺灣地方緊要文武各員必俱稱厥職始於
海疆不致貽誤茲查現在武員之中有安平協中
營遊擊蔡徵溫寬縱兵丁不加嚴管臣業已具疏
題叅又臺灣鎮標右營遊擊洪繼龍才具中平不宜
海外之任臣現具疏請調內地另選幹員調往辦
理至文員之中知府俞存仁人甚老成明白近日

精神甚是不及事多堆滯恐有貽誤請調回內地
調養看其精神如能復舊再請酌量

題補至臺灣知府一缺甚關緊要臣所知者有原任

福建羅源縣知縣今陞江西南安府知府倪象愷

才守俱好人亦老成持重若蒙

知府倪象愷調補之處候另旨從部頒發
聖恩賞調可以勝任又臺灣縣張廷琰前經臣保舉蒙

聖恩放授臺灣縣知縣今辦理諸事拘謹執泥展布不

開不勝臺灣縣之任臣冒昧保

題所舉不當不勝慚懼伏乞

聖恩將臣交部嚴處其張廷琰原係革職之員請仍革職除臣另疏具

題請

具題到日有旨
旨外所有情節臣謹繕摺奏

聞謹

奏

覽

硃批諭旨卷一百七十六之八

欽定四庫全書

總校官庶吉士臣侍朝

校對官編修臣莫瞻菴

謄錄監生臣江潮

欽定四庫全書薈要

史部

硃批諭旨卷一百七十六之九

詳校官編修臣繆晉

欽定四庫全書薈要卷八千一百四十五

史部

硃批諭旨卷一百七十六之九

硃批高其倬奏摺

雍正六年十一月初五日福建總督臣高其倬謹

奏為奏

聞事竊照福建今歲秋旱福州泉州各屬晚稻乏收臣

因預備來年平糶欲遣員向江南買米五萬石前

已經摺



奏正在委員繕疏間於十月初十日接准部文業已
欽奉

皇上特旨命浙江截留漕米或二十萬石或十五萬石
或十萬石令浙江督臣李衛酌量料理運濟臣隨
經遍行曉示閩省軍民歡呼雷動除臣謹率地方
各官并據各民具呈繕疏恭謝

聖恩另行具

題外所有截留米石臣查目下福建米價福汀二府

每石賣一兩四五錢不等比前畧貴一二錢至興
泉漳延建邵六府福寧一州俱賣一兩一二錢一
石米價不昂臺灣晚稻收成有七分以上各府人
情甚是安定臣前尚預備歲內之平糶今細看光
景情形歲內不須平糶即或近年之時省城泉州
少需平糶亦不過畧為接濟各處現備米穀已足
敷用有餘惟來年正二三四數月之內須用平糶
細算只需浙江截運漕米十萬石即足敷用臣業

已咨會浙江督臣李衛并會同委員雇船料理運載其江南買米之處亦無庸舉行惟臺灣之五萬石尚需補運蓋臺灣比浙江更為近便而臺灣即運此項亦不至費力難辦所有情節臣謹先行繕摺奏

聞謹

奏

所奏是已有旨矣

雍正六年十一月二十二日福建總督臣高其倬
水師提督臣藍廷珍陸路提督臣石雲倬謹

奏為戍臺兵丁等事竊據福建福寧鎮臣顏光旸鈔
呈原奏戍臺兵丁情狀敬抒管窺一摺欽奉

硃批朕覽所奏甚屬合宜可與督臣提臣會同商酌如
應具題即具本題奏欽此欽遵會商到臣又水陸二
提臣亦准咨酌議移會前來臣高其倬會同臣藍
廷珍臣石雲倬往復詳細會商得據鎮臣顏光旸

奏請每營量汰馬兵八名將節省之銀分給戍臺兵
丁為盤費衣帽之用一節查臺灣共駐防馬步戰
守兵九千四百九十名皆從內地標營抽撥是內
地之兵已缺九千四百九十名之用迨至年限將
滿坐臺之兵未回而出戍之兵必須先期遣往換
替每當換替之時即有數月之久內地所有一萬
八千九百八十名之兵不在營內以是內地稍覺
兵單而閩省各營山海交錯所設兵制馬一步九

馬兵原為數無多若每營再汰去八名通省計之數至數百各鎮協營地方營汛有衝僻之殊萬難一例他鎮協營有不能再行減馬之處若或減或不減又不均齊畫一彼此難以岐視且戍臺兵丁原係按三年輪流換班其戰守均攤糧餉循行已久俱各相安若於戍臺者加賞將來或有調遣之處援此為例必至難行臣等按全省情形從長計議戍臺之兵應仍照舊給餉但其有家口留餉之

處將五錢應改為四錢則戍兵稍裕而家口亦可
贍給所有顏光旰請量汰馬兵節省錢糧分給戍
臺兵丁之處應毋庸議又會商得據鎮臣顏光旰
奏稱每兵原俱留餉銀五錢贍家請將所留之銀存
於公處以為該丁回日娶妻之用一節查駐防臺
灣之兵俱係由內地各標營選有父母妻子者撥
往惟是營兵在伍無妻子之人居半是以亦有將
有父母兄弟而無妻子者亦行撥往其戍兵之餉

銀俱在臺灣散給前據衆兵公懇以家口在內地
重洋遠隔寄銀艱難請每兵每月餉銀量留五錢
以贍家口當經批司議覆并臣等會商相同准行
在案今顏光旸慮及戍臺無妻之兵間有逃匿議
將每兵每月所留五錢之餉如係有室家者給贍
家口如係無妻室者將每月五錢之餉交與本管
將備留存公處俟本兵三年戍滿回營給領以為
完娶之用等語此與無妻之兵調劑有益應如該

總兵所請嗣後將改定存留養贍四錢之銀其出
戍之兵如有父母在堂又別無兄弟侍養者將銀
仍給伊父母為養贍如有已身雖出戍而有兄弟
奉事或雖無兄弟而父母另有薄產足供養贍可
以不須此項銀兩者令各營詳細查明詳報將所
留四錢之銀按月扣存著落該管將備千把公同
收貯按季造冊報查俟該兵回時選委同營誠實
之兵公同料理為之營娶臣等不敢擅便謹繕摺

回

奏請

旨遵行臣等再查原奉

硃批如應具題即具本題奏今因馬兵既不議裁則額
設兵馬數目以及每年支餉冊籍俱係循舊無須
具

題合併

奏明伏祈

睿鑒謹

奏

目前且照議行候命廷臣議覆朕再加詳酌另有諭旨
福建總督臣高其倬謹

奏為奏

聞事竊照福建收成及米價情形臣前已具摺

奏明今十一月以來福興泉漳延建邵汀八府及福
寧州各處米價俱如前民情安定又恭聞

聖恩特沛截漕運濟百姓愈有所恃人情愈安米價竟
平年內毫無需糶情景即各府來年又有

皇上恩賜運來之米濟糶汀州一府不通海運亦業已
預備米穀足備來歲平糶臣看閩省雖冬收稍歉
目今情形不但今歲即至來歲俱必定處處安靜
臣愚昧所知所見甚確如有不符甘受重譴恐上
塵

睿懷臣謹將情形繕摺奏

聞謹

奏

深慰朕懷

同日又

奏為密陳臺灣文員歷俸太久轉生懈怠情形事竊
查臺灣各文員向以三年為滿後經原任總督滿
保具

題請三年任滿之員再行加銜留任三年原意慎重

臺疆欲久留熟諳之員辦理但臣三年以來細察

臺灣各員情形正任前後報滿既已歷任六年而
調任之時渡海而往即須數月任滿候有缺挨陞
又或一年二年既陞之後交盤渡海又得半年總
計其前後日期大約俱得九年十年方能陞用又
臺員例不帶家口其父母妻子相隔重洋託之親
友未免繫戀意念分馳其辦理之處不免有始勤
終惰之情景雖人臣之誼公爾忘私何可萌內顧

之念但中人之情往往不免臣既見有如此情形不敢不預思籌度密行奏

聞以臣愚昧之見凡臺灣道府廳縣各員嗣後請俱以四年為滿加其交盤往返之期約計五年有餘俾得陞調庶為期適中可收各員奮勵之效臣未敢擅即具

題謹先繕摺請

旨謹

奏

所奏是已交該部議行

同日又

奏為奏

聞事竊查福建海關巡查之事不比他處之關但止稽
查貨稅凡往來外國及臺灣船隻并外國來閩船
隻出口入口皆係海關稽查實以兼防姦宄臣查
福興泉漳四府福寧一州共有海關口汛三十二

處迤邐周轉不下二千餘里自巡撫辦理以來雖專委管關之官一員辦理但以一人之心力耳目查照二千里之遠數十口之多其勢已不能周遍又加以洋客船水之隱蔽書辦巡攔之姦詭遂致百弊叢生雖從前巡撫及委員衙門各遣家人坐口監查而家人愚下之輩何能見利不移一惟吹求商旅從不念及防姦原任巡撫朱綱到任以後只責委員查報不遣家人前往頗為得當臣暫且

管理亦照之而行但臣細看亦尚未妥蓋從前之

不妥固多一層家人之累而今此之不妥又少一

層互查之人巡撫專靠一委員委員又專靠衆家

人雖所委之員廉慎奉公查懲竭力無如所轄之

地既遠所用之人又衆心有所不及力有所不能

稽查滲漏勢所必至僕役朦混難保其無臣謹思

一法總理關務應特委一道員稽查下再委府廳

總辦理令其專駐廈門總口其餘各口之在福興

泉漳四府福寧一州者於各地官員不論府廳州縣但看其人精詳奉公者選擇分委專查彼處口隘庶耳目就近難以欺蔽稽貨防姦事易精詳似於海洋關稅稍有裨益除臣一面辦理更定委查另行具

題外謹先繕摺奏

聞謹

奏

福建海關已有旨派遣京官前來管辦到時協同盡心料理可也

雍正六年十二月二十八日福建總督臣高其倬
謹

奏為奏

聞事雍正六年十二月二十六日

欽差侍郎臣史貽直到福州省城仰蒙

皇上天地父母之恩所有欽奉

聖諭訓誨臣感激無地慙慙無地敢不痛自悛改一一

敬記欽遵容臣詳悉另行繕摺具

奏再奉

旨交令辦審查理事件容臣逐一會同辦理審查亦另

行會

奏外所有史貽直到福日期謹先繕摺奏

聞謹

奏

前歲在京朕覲面開心見誠諄諄訓誨不啻百千萬言
尚不能動汝分毫今史貽直於幾千里外轉傳數句諭
旨曷敢望汝欽承痛革耶不過聊盡朕心焉而已總不
得人奈何似汝等積年老練胷中定有成見者雖曉譬
萬端竟牢不可破殊為莫解靜言思之終屬朕之德薄
信淺實不足以感孚亦無怪乎諸卿也大小臣工若果
咸遵訓誨任勞任怨竭力奉公則億兆奠安化行俗美
之效計日可必其如羣然不肯何

同日又

奏為奏

聞事竊照福建米價情節臣前已具摺

奏明續於十一月內得大雨一次十二月二十六七

兩日又連得大雨田中俱已霑足二麥青茂大麥

已有一半抽穗各府米價俱仍如前汀州府米價

自十一月中旬以來每石一兩三錢有零比前又

減福州府米價每石賣一兩四五錢不等但省會

之地人煙稠密每到元旦節近則米價定比平日
稍為昂長臣於十二月十五日以後將所存未糶
之浙江穀石於各營兵丁已酌糶萬餘石城內有
萬餘兵丁之家不買米食則近節之米價可以仍
然不長今十二月二十六七日以來已比前每石
俱賤四五分現在福建各府米價民情俱甚安靜
臣謹將情節繕摺奏

聞謹

奏

覽閩省近日情形朕懷深慰

雍正七年正月二十日福建總督臣高其倬謹

奏為恭謝

天恩敬遵

聖訓切實改勉期竭寸忱事竊照侍郎臣史貽直自到閩以來凡在公所會集及署室對晤時時諄切詳細宣傳

聖訓逐一教諭反復開導並將其日在

禁庭目瞻心記我

皇上宵衣旰食勤求治理所以敬

天勤民惟誠惟實中外臣工視同一體之至意無不事事

示知殷殷戒勉臣敬聆之下沁心洽髓感激涕零

伏念臣一介庸愚過荷

知遇畀以封疆重任格外

寵榮涓埃無報愆戾山積

皇上屢加寬宥頻

賜矜全不但臣之顯榮華膺皆荷

天地生成即臣之名節臣之身族皆出

天恩所賜

憐憫保全在臣奉職無狀慚惡欲死乃又蒙格外

天恩數千里外

命侍從大臣仍遠加

訓誨俾臣猛省期臣悛改雖天地之德父母之心無以

至此臣亦忝居人列具有心性何肯甘於怙終上
負

聖恩下慚同列至為

盛世之棄物

聖主之罪臣嗣後惟有切遵

聖訓刻勵心神斷不敢存絲毫希譽之心不敢有一點
討好之念改其優柔勉其緩懦事事據實念念存
誠冀少贖前此重大之愆稍報

天地高厚之恩於萬一耳所有臣恭謝

天恩祇遵

聖訓情節謹繕摺奏

聞謹

奏

詳閱所奏似屬本諸天良發乎至誠但恐熟處難忘世俗通病捨己從人大非易事雖目前偶然警醒暫以為是奈薰染已久習慣性成不數時仍循故轍矣朕七年

於茲惟以用人為事訓誨為心看來欲貪夫廉尚易冀
懦夫立尤難朕殊惜汝何靳而不勉為

天祐之全人也今覽此奏深信汝之真切改悔而不敢信
汝之事事剛果實力奉行也勉之勉之

同日又

奏為奏

聞事竊照廈門地方為福建通省洋船出入總口澎臺
之咽喉各處人民輳集於此風習不純最易叢姦

張廷
無知

必須文武和衷協力辦理方能有益臣查興泉道
張廷枚多有言伊好者朕殊不喜其人觀其志趣乃一
張廷枚自到廈門以來辦理頗屬勤力甚肯任事
自與之少年耳非可大用之器汝留心試驗看
近日與提臣藍廷珍彼此胷中不和其端係因講

究審理公事之職掌而起提臣藍廷珍在廈凡盜
賊及偷渡之人每經拏到間有即嚴打懲創發落
不即送文職衙門審理此雖於例有不符然廈門
海疆巖險之地姦宄頗有非威嚴不足以彈壓此
等地方消弭姦宄而捷速辦理始副事機此應通

變辦理者至於偶有些小訟事間亦即自發落此處是提臣之不是張廷枚不肯聽其如此俾歸文職辦理此處是其職分當言但未免氣象太過一則武職性粗一則年富氣盛俱不能自返彼此漸成不和光景臣現開導提臣嚴諭該道俾彼此和衷雖外面暫從然胸中芥蒂未必能化久恐無益臣愚昧之見提臣藍廷珍管理嚴肅於廈門有益張廷枚應調換他處伏查福建糧道事務不繁糧

道李王鉉人老成辦事詳晰臣請或即以李玉鉉
已有旨矣

張廷枚彼此對調或請

皇上將興泉道另簡老成之員張廷枚俟有道缺另補

其提臣藍廷珍亦仰乞

將此二句作為朕於他處所聞之語傳旨飭諭令其遵
皇上批令勿存鄉井觀瞻之心本地體面之意與再來
奉

道員和協辦理則於大臣之體地方之事均始有

當有益臣謹將情節詳細繕摺奏

聞謹

奏

朕謂另調道員抵任之後藍廷珍勢處不得不相和好更無煩朕加批訓倘或仍至於不睦其過必在文員汝但切戒李玉鉉可也

同日又

奏為奏

聞事竊照福建地方於今年正月初九等日俱得大雨各處所種二麥甚是芄茂十分之中已有三四分

秀穗者正月以來泉州各屬縣因臺米常到又聞
皇上賞給之江浙漕米不日將次運到米價每石又賤
於前細米一石只賣一兩一二錢粗米一石賣一
兩五六分漳州興化二府與泉州相似福州省城
細米每石賣一兩三錢有零粗米每石賣一兩一
錢延建邵三府之細米每石賣一兩一二錢汀州
府細米每石賣一兩三四錢福寧州細米每石賣
一兩二三錢各處米價俱極和平春雨俱極普遍

所有情形臣謹繕摺奏

聞謹

奏

覽奏春雨情形朕懷猶未寬慰必也封疆大臣諸凡政務能蒙

上天許一是字則雨暘時若可預期不爽朕然後方釋顧慮之念也勉之勉之

雍正七年二月初八日福建總督臣高其倬謹

奏為奏

聞事竊照福建自入春以來雨水甚足二麥茂盛臣業
已將情形繕摺

奏明茲於正月二十八日至二十九三十日天降瑞
雪地上積至四寸有餘福省地暖難得有雪而地
上存積數寸尤不易見實為瑞兆年穀豐盈之應
衆口同詞皆以我

皇上敬

天勤民誠意感孚所致海隅億兆咸荷

高厚之恩共有盈寧之慶所有瑞雪情形臣謹繕摺奏

聞再浙江截運漕米現據福省遣往押運之員報稱已
運到一萬五千餘石泊收五虎門外臣現分派貯
糶各處米價又更平減謹一并附

奏

切戒肆志但以誠敬二字對

天直待秋成後方可言盈寧之慶也汝於去春亦曾具有

如此一奏至收穫時乃大相懸殊於心能無愧乎朕觀
汝等亦知勤學立品然不免狃於私懷自為究於大公
至正天道人理茫然未喻奈何奈何此時不過將雨雪
情形據實陳奏一無增減則已奚庸鋪張如許夸詞設
似滇豫兩省連歲豐收又不知作何形容矣朕殊代汝
慚忤而兼為汝懼也

同日又

奏為恭謝

天恩事竊臣於雍正六年十一月初五日於臣

奏事摺匣內敬繕恭請

聖安一摺恭請

聖安又將臣與戶部主事管志寧議論之情節具摺奏聞臣以為分處進

呈又於摺匣內敬繕恭請

聖安一摺竟不思係同日拜發之事臣大不敬謹之罪重不可逭仰蒙

皇上格外天恩不加嚴譴

命怡親王令臣齋捐家人持回臣跪看仰承之下感激

愧慙無地自容雖肝腦塗地不能上酬

高厚之恩臣無任惶悚戰懼之至謹繕摺恭謝

天恩謹

奏

類斯謬誤皆莫之為而為實默有主之者不知返求諸本愧慙何益戰慄惶悚無非虛文即如肝腦塗地等語

雖出誠切何補於朕躬亦何濟於地方生民耶要當遠大是務用心探本尋源於合天理對幽獨處著力毋在區區拘謹邊耗費精神今歲秋冬之間朕看劉世明若於閩撫一任猶屬妥協地方無事意欲召爾同管志寧來京俟到時再面加訓誨但尚在未定臨期候旨行

同日又

奏為奏

聞事竊臣署理福建巡撫印務兼管海關稅課所有臣

管理月日內徵收正額盈餘及一切火耗擔銀各
雜項臣俱逐一造冊悉行交新撫臣查收業經具
奏今計臣管關三個月零八日共收正額并盈餘稅
銀四萬五千三百三十四兩零連前撫臣常賚朱
綱所收正額并盈餘銀共一十萬六千七百三十
四兩零通計雍正六年全年共收正額銀七萬三
千八百五十七兩零盈餘銀七萬八千二百一十
兩零尚有商漁船樑頭徵收未完銀二千九百六

十二兩零俟催完亦應歸入盈餘之內共應盈餘

銀八萬一千一百七十二兩零又從前常賚朱綱

任內所有火耗擔雜及家人伙食鹽菜等項銀除

支用公事外其存剩者俱經前撫臣各自行收用

尚存解銀水脚等銀六千三十三兩零臣任內所

收火耗擔雜伙食鹽菜等項銀除辦巡撫衙門公

事等項用銀二千八百三十五兩零又應除解銀

水脚等銀二千七百五兩零及管關同知張嗣昌

養廉暨各家人巡役工食外臣署任內淨存應得
耗雜等項銀七千餘兩臣謹逐一將支存細數造
冊移交撫臣劉世明查明此七千餘兩亦歸入盈
餘數內共計盈餘銀八萬八千一百七十二兩零
再合正額總計雍正六年海關共收正額并盈餘
銀一十六萬二千二十九兩零再臣所管尚有自
雍正六年十二月二十七日至七年正月初三日
計六日之銀俟各口報齊查明再行造冊一并移

交撫臣查核再未完標頭項下尚有應完耗銀三百四十餘兩應俟接管之員隨正徵收統歸盈餘數內所有情節臣謹繕摺奏

聞謹

奏

覽

今命準泰來閩管理稅務諸凡儘力助之

同日又

奏為奏

聞事欽惟我

皇上立賢無方因材器使雖廢員之中其才守尚有可
取者無不搜求再試使之改過自新內外臣工咸
知感激奮勉臣所知者有原任福建陸路提標右
營遊擊孫濂因署同安營遊擊事務將包齊二姓
列械傷鬪之事未行實報經臣

題叅革職但其人居官操守頗好辦事謹慎勤苦尚

有可用又有原任臺灣淡水營守備鍾日陞因違
例頂替班兵郭元等四名經臣

題叅革職提審其前在守備任內不避勤苦管兵有
方前帶兵進勦番人甚有膽勇以上二員臣不敢
因係臣所叅之員隱沒其微長謹據實奏

聞仰懇

天恩或准令引

見伏乞

睿裁謹

奏

該部察議具奏

同日又

奏為恭謝

天恩事雍正六年十二月二十六日臣齋捐家人回閩
捧到

皇上賜臣哈密瓜一箇臣郊迎至署恭設香案望

闕叩頭祇受訖伏念臣一介庸愚仰荷

聖恩畀以海疆要任涓埃無報愆戾山積不勝慚懼悚

慙乃仍蒙

何待恩賜始發感愧之心耶

聖恩垂賜跪捧之下感愧交集惟有矢公矢誠奮勉振

刷以冀稍酬

高厚於萬一耳為此繕摺奏

謝謹

奏

覽

同日又

奏為恭謝

天恩事竊臣齎摺家人於雍正七年正月十四日回閩
捧到

皇上賜臣

御書福字一幅貂皮三十張平安丸一千圓湯羊一隻

臣即出郊跪迎至署恭設香案望

闕叩頭謝

恩祇受訖伏念臣至庸至愚仰蒙

知遇受任封疆纖毫無能報稱愆戾滋多屢荷

寬宥洪仁撫己自慚措身無地乃蒙

天恩垂賜

睿藻琳琅異品璀璨臣跪捧之下感激愧奮惟有痛改猶屬

末節最為切要

柔懦切勵實誠振興整頓夙夜自勉以冀稍報

但能勉盡誠實二字諸凡俱包括於中矣其徵驗豈止
天地深恩於萬一耳臣謹繕摺恭謝

振興整頓而已也
天恩謹

奏

覽

同日又

奏為恭謝

天恩事竊臣齎摺家人於雍正七年正月二十九日回

至福州省城

奏摺匣內蒙

皇上賜臣黃辦荷包一對臣謹望

闕叩頭謝

恩祇受訖伏念

臣

身任封疆重寄辦理無能夙夜慚悚

乃蒙

聖恩疊加

賞賜拜領之下不勝感激愧奮惟有痛自黽勉刻勵公
誠以竭犬馬心力仰報

洪慈於無盡而已

臣

謹繕摺恭謝

天恩伏乞

睿鑒謹

奏

朕之賞罰要在汝等自問耳於心無愧罰亦何辱於心有歉賞亦何榮或因人而賞或因事而罰朕惟虛已應物而已實無容心於其間也

雍正七年三月初十日福建總督

臣

高其倬謹

奏為奏

聞事竊臣接准戶部咨雍正七年二月初二日內閣交出奉

上諭據南澳總兵許良彬奏稱南澳為閩粵要區孤懸海島田地無幾產米有限全賴內地買運接濟兵食臣所轄親標右營屬於廣東已經兩廣督臣孔毓珣發銀一千二百兩買穀二千石以備借給兵丁惟左營屬於福建尚未舉行請將臣之俸金及隨丁項下銀兩捐買穀二千石并建倉廩發交左營將弁積貯

以備借給兵丁等語南澳遠隔海島自應預籌積貯
接濟兵食今許良彬奏請捐俸買穀伊所有俸金原
以供其食用何能辦理公事著動支閩省藩庫銀一
千二百兩給與許良彬循照右營之例買貯穀石以
備左營兵丁借給之用朕思右營屬於廣東左營屬
於福建孔毓珣為海疆計如此辦理不識高其倬亦
曾聞之否乎或高其倬之不做倣辦理者抑別有善
策乎朕俱不得而知矣著諭令高其倬知之欽此欽

遵移咨到臣跪讀之下慙悚無地伏查南澳為兩
省巖疆兵食甚關緊要臣蒙

皇上聖恩畀以福建總督重任何敢不思預備臣於到
閩之時恐南澳兵民乏食隨經撥米三千石穀一
千五百四十九石運到南澳令該鎮及左營遊擊
存貯以備借糶後值連歲彼處米貴臣前後陸續
將截漕買運并臺灣碾運等項米穀或令將備或
令文員押運前往源源不斷接濟共計米二萬九

千四百七十七石零穀一千五百四十九石令先
後接續隨時借糶兵民不但左營之兵閩省之民
不致匱乏即右營之兵粵省之民亦俱俾其借糶
上年夏間南澳存貯之米穀尚有數千石未完臣
即恐稍有不接又撥米三千四百五十五石零穀
五千二百石復往預備現今除米糶借外於本年
二月內據報現存左營穀四千二百石右營穀一
千石左營存貯未動之穀較之粵省買備右營之

二千石尚屬加倍右營并貯有閩省穀石嗣後稍有借糶臣又即撥貯存備臣因南澳左營之穀現有預備是以未經發銀買貯今此總兵許良彬籌買穀石臣請無庸另買即於前項存穀內酌數存留修倉收貯設有一時更多需米穀接濟之處臣再隨宜撥運前往接濟所有情節臣謹繕摺奏

聞謹

奏

另有旨諭部此奏殊屬巧辯

同日又

奏為奏

聞事竊照福建水師提

臣

藍廷珍向有痰疾近又舉發

雖精神尚健然多卧病不出署辦事提督任重厦

門地方緊要

臣

已寄信密令南澳鎮總兵兼署金

門鎮許良彬前往厦門照看提臣之病體兼彈壓

地方俟提臣之病稍痊再回鎮署所有情節

臣謹

繕摺奏

聞謹

奏

此舉甚是許良彬即將來接替藍廷珍之人也密之勿
宣

同日又

奏為奏

聞事竊查福建自二月中旬下旬以來連得大雨三月

初旬晴霽應時二麥已有刈穫者收成約八分九

分不等早稻之秧現已五寸有餘將近分插田中

汝等

督撫

果能

滌除

詐偽

確秉

公忠

則感

召

之水

甚足

插蒔

敷用

江浙

二省

蒙

上

天慈鑒和氣下應朕可力保也

聖恩截留之漕米

臣遣文武各官與二省之員協運今

浙江者於二月內五萬石業已全到江南者已到

三萬二千餘石尚未到者一萬七千餘石亦有信

來不日即到臣現酌量各府米價之低昂需米之

緩急分行撥給閩疆百姓無不感戴

皇仁歡呼叩首各處米價平減之至此皆仰賴

皇上賜米截漕之恩至江浙截漕之米難以過夏久放

臣現與撫臣劉世明商酌令福興泉漳四府俱以

一兩一錢一石糶給兵民仍留有餘以備四五六

月之接濟所有情節臣謹繕摺奏

聞謹

奏

覽

同日又

奏為奏

聞事竊照福州城守副將馬召南自到任以來管兵極嚴凡所辦理營伍之事井井有條臣標中軍副將仇元正調往雲南臣令其署理臣標中軍事務一切俱能實力辦理管束弁兵甚是嚴明且能有斟酌人亦明白實屬賢能之員臣愚昧之見以為係可用之才謹繕摺奏

聞謹

奏

馬召南曾經侍衛班內行走朕所熟識者心胸猶屬明白安靜和藹循分守己是其所長乃巧黠善柔之流若言能管兵嚴明或到閩奮志勉勵亦未可知前在廣西一任諸務懈弛原欲予以斥革因念無大過且係

皇考時年久進士姑從寬調補今職茲覽汝破格保薦朕殊為驚訝莫非脫胎換骨乎馬召南何能如是奇特向

後宜再加試驗或恐見伊儀表文雅又兼平易近人較之武弁中之粗俗愚戇者不同故爾頓生識拔未必留心詳察其行為耳凡人之更改遷移雖不可限定然質地心性亦未能一旦變換遂至迥異此奏朕究不以為然

雍正七年三月二十七日福建總督臣高其倬謹
奏恭請

皇上聖安

朕安

有旨命汝於閏七月起程來京候部文到日遵行

同日又

奏為奏

聞事竊照福建水師提臣藍廷珍舊疾復發未能出署

辦事臣寫字與南澳總兵署金門鎮事務許良彬
俾其到廈門看視彈壓之處已經繕摺奏

聞臣又遣人往問據稟於三月初五日到廈親見提臣

病已漸愈雖面瘦氣弱而精神尚好已出署考驗
過各官一次等語近又經各處稟知提臣病更大
好如常辦理行走所有提臣藍廷珍病痊情節臣
謹繕摺奏

聞謹

奏

覽奏知道了頃據藍廷珍奏請陞見朕料其病必大痊
矣

同日又

奏為奏

聞事竊照琉球國進貢使臣向例到閩有福州海防同知衙門陋規二千兩臣前已查明革除業經

奏明嗣後又查有管海關之委員及城守營亦各有陋規二百餘兩復經裁禁近訪得琉球國人給看館及前站各色之人銀錢看鈔報及臣等省報適撫臣劉世明到臣署臣隨說知即同撫臣各飭令

新任之海防同知李錫爵嚴查隨據稟稱即已將
看館前站人等嚴行懲革其琉球國貢使係是遠
自應如是人等未便窮詰但令其知之自行警戒所有情
節臣謹繕摺奏

聞謹

奏

覽

同日又

奏為奏

聞事竊照福建汀漳道朱鴻緒前經奉

旨令往江南清查積欠錢糧近臣接准部文汀漳道缺
奉

旨以福州府知府楊宏緒補授欽此欽遵臣查朱鴻緒

雖到任未久其辦理地方事事身親一一切實料

理而才識足以濟之於整頓沿海風習甚能有益

此人心險何可篤信

確是一有實用之人臣前因臺灣起見以揣度之

意冒昧陳

奏今實見其如此不敢有誤人材倘

皇上江南查欠之差可另得人或朱鴻緒清查事竣之
後仰懇

聖恩仍用之福建臣敢保其於海疆必有大益再臣前
據朱鴻緒詳報原任臺灣府同知王作梅原任閩
縣知縣李芬欲保往江南帶令查欠懇行具

題臣查此保帶人員雖經奉

旨令伊等舉出然係仍令

欽差查欠之大臣江南巡撫具

應

不予具題者

題臣不敢違例據詳即行具疏但既據具詳到臣不

敢壅於上

聞臣謹將情節一併繕摺奏

聞謹

奏

覽

同日又

奏為奏

聞事竊查閩省飄販南洋船隻俱於北風之時前往南
風之時回棹茲據廈門同知張嗣昌稟報所有雍
正七年分飄販南洋船隻自雍正六年十二月至
今年三月有陳合興等商船共二十五隻具報前
往俱經臣嚴飭文武逐一詳查細驗取保放行俟
回棹時臣再遴員前往覆查一一明白相符始准

入口再為具

奏外其雍正六年分飄販南洋出口之船共二十一隻有高陞等一十三船俱如期回棹查驗明白入口又有許天澤陳得勝船二隻因遇風飄至廣東復自廣駕回於上年十二月內回廈門亦經驗放入口又有陳旺興一船遭風飄至廣東廣海地方船壞人溺僅存陳旺興等十二人又林順興一船遭風飄至廣東香山十字門地方船壞人溺僅存

貨客舵水三十三人又徐瑛一船回途大洋遭風
船壞人溺僅存高彬等一十三人飄水遇救搭船
至廣東復病故五名止存八名以上遭風三船所
存人等俱經報明廣省地方領照并經廣東督撫
移咨前來俱查照與原人相符已行令安插又林
盛一船中途遭風打壞桅舵遇香山哨船救至鰓
門船未全破有貨客甘佛等十二名領廣東咨文
回籍已經查明相符發原籍安插其原船一隻復

在廣省修好舵水人等在廣東攬客由廣省驗明
出口仍往宋居勝貿易又陳萬源鄭福二船俱在
外洋壓冬未回俟回棹時嚴行查驗所有今年洋
船數目及上年船隻回棹各船情由臣謹一并繕
摺奏

聞謹

奏

覽此飄溺人口甚屬可憫必係船隻不堅所致今李衛

陛見在京朕有面諭之旨伊回任後自然通知於爾也

同日又

奏為奏

聞事竊查福建自入三月以來雨水甚足稻秧現皆布
插田水充滿各處二麥收成十分九分八分不等
俱係豐熟米價甚平比二月內每石又賤五六分
以及一錢不等所有情節臣謹繕摺奏

聞謹

奏

覽雨水霑足米價平減情形朕懷深慰

雍正七年四月初三日福建總督臣高其倬謹

奏為請

旨事雍正七年四月初一日准浙江督臣李衛咨為密
咨查拏事本年三月十六日新陞漕運性督院浙
江觀風整俗使蔡都院面言性督院家人巴蘭泰
自京來至山東遇有蔡都院家人孫從熟識同行

隨外有馬姓一人自稱係福省延建道家人伊主
姓魏北直籍緣奉委辦銅跟隨伊小主在京交銅
先行回閩三人結伴同行至揚州馬姓與孫從面
說你係福建人我在京中聞知

皇上因欽天監啟奏紫微星落在福建地方為此

特差大人赴閩凡三歲以上九歲以下男子盡行誅滅
現有已蘭泰一同聽見可據查造作流言傳播惑
衆久奉嚴禁今馬姓敢於如此妄言倘至閩省訛

傳愚民為其蠱惑恐致別生事端關係非輕因此

公議本部院差外委千總劉朝用帶同孫從巴蘭

泰前至閩省認拏如拏獲其人即於閩省錄取確

供連人解浙以憑會訊察奪咨臣轉飭拏解等因

到臣接閱咨文不勝駭異適延建道魏壯正調

在省委解楠木臣隨即傳諭查拏據魏壯稟稱果

有家人馬廷錫一名因前在常德府任內辦銅將

銅觔水脚被解員花費以致莫能交清是以變賣

奏銀在江南上海縣差家人蔡利正同馬廷錫帶
領赴京辦交於本年三月二十六日馬廷錫自京
回閩二十七日著伊回延建道署至伊有此言壯
實不知今即遣家人回署鎖拏解交等語臣當即

此語

密遣備弁協同該道家人星赴延平嚴拏解究俟
斷非馬廷錫憑空捏造必有向伊言論之人當加

窮詰

將馬廷錫拏到臣會同撫臣劉世明嚴加確訊此
如在都中連行密奏以便飭諭緝捕若係外省亦

宜慎

言起自何人何處如何煽惑之處逐一根究明白
密移咨該督撫嚴拏解閩面同質訊
併訊伊主魏壯確供再行嚴擬叅

奏外再查馬廷錫係閩省道員魏壯家人所言又係

煽惑閩省之事若解浙究審正法無以儆示閩省

審明

具疏題請

暢快人心伏祈

皇上准俟馬廷錫訊明請

旨之時容臣等傳集軍民詳加曉示即在閩當衆正法

何愧

以懲姦宄以慰羣情至福省有如此萬惡無良之

報之有朕亦不敢望汝等如此為國家留心察姦

詰匪

人之言臣實不勝愧赧之至謹先行繕摺奏

聞謹

奏

覽

雍正七年四月十二日福建總督臣高其倬謹

奏為奏

聞事竊照福建八府雨水米價及二麥收成早稻插秧

情節臣前已繕摺

奏明近據臺灣各處稟報現今二麥業已刈穫收成
十分有餘小麥每石賣六錢大麥每石賣三錢米

價亦因之更減每石賣九錢六七分再福州等各處於四月初九初十兩日連得大雨極其應時所插早稻甚為茂盛臣謹將情節繕摺奏

聞謹

奏

早稻茂盛雖屬可喜直待刈穫後方敢言秋成也

同日又

奏為奏

聞事竊查臺灣南路鳳山縣所屬山猪毛等三社生番

因莊民邱仁山等擅入深山引水灌田被生番殺死十二人又趕至竹葉寮殺死二人當經臺灣鎮

道稟報併詳將殺人生番勦拏示懲臣隨經批行

嚴查懲勦去後續據該鎮道詳報於本年二月初

一日夜生番又於田尾地方殺熟番紅朶等大小

七名又焚牛隻草寮稟稱先已委令同知劉浴遊

擊斬光瀚帶兵三百五十名番壯二百餘名前往

擒拏今於二月二十一日直抵山猪毛社前石門
扃閉儼若關隘施放大礮擊碎石門而進分兵搜
捕兇番先已逃去隨毀其巢穴詰詢嚮導云離此
十五六里尚有山裏目一大社山路更險為兇番
藏匿之處即帶兵前進竟有數十兇番把守施放
鏢箭我兵大礮飛發番衆驚逃躡勘山左有旁徑
可入隨分兵追勦兇番男婦俱由東北滾巖而逃
二十三日移營山猪毛溪口二十五日二更時候

密遣鄉勇通事率內優社番壯由後山暗渡埋伏
二十六日統率官兵或由溪上或由山入舉礮為
號前後夾攻兇番拚命奔逃督兵窮追斬獲番頭
一顆并獲鎗箭等械三月初一日探知兇番往八
里斗即前往追尋於山深林密內陡遇兇番成羣
喊殺鏢箭亂發土官邦於澤等督率衆番奮力攻
擊砍倒兇番三人割獲首級其餘多有帶傷者本
月十一日又設法令近社生番將山猪毛社生番

引出隨即圍拏現獲二十人解赴訊奪其餘現在
招撫各等情又據稟各處左近旁社悉行安撫已
撤兵回營隨又經臣檄行該鎮道將所拏各番分
別究訊果係實在殺人兇番究擬解審示懲其無
罪者仍曉諭釋放并詳細安撫各番令其寧謐至
越界滋肆之通事人等斷不可寬即嚴行查拏究
擬重懲照會行知今又據稟稱該社生事之通事
張漢伯已經拏到又舊通事慣行引誘生番生事

之柳福藏入番社亦已設法拏出現在究擬等因
俟分別查詳究擬到日臣會同撫臣劉世明查審
明白具

題所有情節謹先繕摺奏

聞謹

奏

平時不能約束內地人民越界生事至激變之後將無
知蠢類恣情殺戮殊屬可愍豈以此為功乎朕實恥之

陳祖訓曾命汝留心察視究係何如人耶

雍正七年五月初二日福建總督臣高其倬謹

奏為奏

聞事竊照臺灣各文員履任年限及更替料理之處欽

蒙

皇上睿慮周詳

聖恩高厚令該部議定成例臣現欽遵辦理嗣後臺員
俱可敷辦理委署之用至現在臺灣文員之中臣

查臺灣道劉藩長前因丁憂給假今已年餘尚未
回閩伏乞

皇上俯賜令山西省速催赴閩又新調臺灣府知府倪
象愷亦因丁憂給假恐亦不無遲緩併仰乞

皇上敕諭川省令假事一畢即催來閩其臺灣府知府
事務臣現委興化府知府沈起元前往署理又海
防同知員缺經臣以候補通判尹士俚

題補尚未經奉

旨臣現今漳州府通判劉浴在彼署理四縣之中除諸
羅彰化皆有現任之員其臺灣縣知縣張廷琰經
臣

題叅請以晉江縣知縣唐孝本調補署鳳山縣知縣
彭之曇亦經臣

題叅請以龍溪縣知縣熊琴調補臣現飭交盤一完
俟風一便即行過臺辦理惟是臺地隔海之區仍
應於現員之外即多遣一二額外之員前往一面

幫助辦理一面預備委署更替庶無渡海遲緩之處但查現在閩省府縣缺員頗多咸需委署一時實難更於額外多遣前往俟奉

旨命往以知縣用之各員一經到閩

臣

即將新員委署

替出諳練之員二人前往臺灣以備委署更替之用所有情節

臣

謹繕摺奏

聞謹

奏

該部察議具奏

雍正八年四月二十二日福建總督臣高其倬謹

奏為恭謝

天恩事竊臣一介庸愚仰荷海疆重任愆謬山積蒙

皇上仍加以

教誨洪恩畀臣

陞見得以日覲

天顏仰瞻

皇上至誠純敬之

聖範時中正大之

聖治跪聆

睿訓捧讀

硃批心神豁開如夢得覺始識

君臣原屬一體萬事惟在一誠臣從前岐謬之痼病後

此上進之階梯一一現前炯炯披露自此得以徹

骨悔改勉力成人此

皇上最深最重之

洪恩臣身難遇難逢之遭際臣惟覺感激無地陳謝無辭又復重荷

特恩加銜疊蒙

賞賜臣即捐糜頂踵何能仰報今臣已於四月初十日回到福州臣署所有日期另行具疏

題報外謹繕摺敬陳微悃恭謝

天恩伏乞

睿鑒謹

奏

今調卿兩江復有面諭之旨不得已召卿來京總俟到
時面悉

同日又

奏為奏

聞事竊臣於本年四月初六日回至福建延平府適觀

風整俗使

臣

劉師恕亦到延平恭請

聖安臣即將在京面奉訓飭劉師恕之

聖諭并賞給養廉銀四千兩之

恩旨敬謹宣示隨據劉師恕叩頭謝

恩口奏臣劉師恕從前過失甚多俱蒙

皇上矜全應追銀兩俱蒙

皇上寬免閩中用度

命臣自備此正

皇上深於造就至意茲又

恩賞養廉

聖恩高厚至於如此臣雖木石亦知感激奮勉惟有力
改前非矢竭公誠仰報

聖恩倘嗣後不實心辦事一毫苟且願當重譴求臣代
伊回

奏臣回至福州府於四月十七日復經劉師恕寄書
與臣云署中人本無多諸事簡省一切用度只須
二千兩即可敷用伊身受

恩至重本任支用之外若稍留贏餘以補別項心實不

安令臣將此情節代為轉

奏臣謹將臣敬傳

聖諭及劉師恕所奏情節繕摺奏

聞至給與劉師恕養廉銀兩之處臣亦已敬將

聖諭傳與巡撫劉世明一體欽遵會同辦理按期給與

至於所給銀兩定數臣敬候

聖旨遵行謹一併附

奏

既據劉師恕有辭多受少之奏即照其所請知會劉世明給與可也

同日又

奏為奏

聞事竊臣欽奉

聖諭令

臣

於見署理水師提督印務

臣

許良彬時以

臣

意詳切勸導俾其竭力奮勉欽此

臣

於四月初十日

到福州臣署許良彬亦巡海到省臣謹遵

旨以臣意詳切勸導勉其嚴管兵丁緝懲盜賊詳察營務籌防臺灣內秉誠心外盡實力以仰報

聖恩自盡職守相勸之際臣看署提臣許良彬言語心意甚要實力勉奮嗣後辦理臣看其果是如何之處再行據實奏

聞至臣勸勉之語并許良彬之語臣謹另錄一摺恭呈御覽謹

奏

好將所錄勸勉之語與劉世明看俾伊知之

同日又

奏為奏

聞事竊臣到閩後查得侍郎臣史貽直署理九月以來

所辦諸事俱妥協詳明兵民相安米價甚平惟今年正月二十二日臺灣府地方因臺灣縣知縣唐孝本夜間帶領民壯查拏賭博并開鴉片館之張

攀等張攀等上房逃走被千總李振拏住唐孝本與之相爭誤將該千總扭押次日營中兵丁鼓衆生事擅離營盤炒嚷業經史貽直一面嚴審一面具疏

題叅請將知縣唐孝本千總李振解任質審各兵犯嚴提究審定擬管兵不嚴之中營守備陳君贊把總王友并請革職署中營遊擊林榮及總兵王郡一并附叅在案

臣

查臺地遠懸海外兵習少縱最

有關係知縣唐孝本扭押千總李振自有該弁與之揭報聽上司究懲兵丁何得鼓衆生事此漸斷不可長臣現飛催審明臣愚昧之見為首兵丁應嚴行處死以警將來其署遊擊林榮到任僅及半

所論

月尚微有可原至守備陳君贊把總王友不實行甚是將此情節當通知劉世明盡力嚴管亦應重懲以為備弁不能管兵之戒總

兵王郡雖在臺兩載辦事頗為盡力但臣聞其於此事彈壓亦不得當臣不肯以曾經保舉瞻徇俟

臣再行詳察確實并其近日辦理光景若諸事辦理如前或此一事有錯臣據實具摺奏

聞仰祈

睿鑒倘此事既辦理未協而一切辦理又不及從前臣即另選可勝臺鎮之人

奏請

鎮綏臺灣超出王郡之右者難得其人此舉可以不
皇上聖裁其王郡另請調回懲處再臣訪聞兵丁炒嚷

之初雖係中營之事而臺灣鎮右營遊擊范志遠

最先親身喝罵兵丁立令回營辦理甚當臣謹一
併奏

聞至於知縣唐孝本自調臺以來頗能實力勇往辦事

雖此一事擅扭千總深為孟浪但其平日實力辦
唐孝本平日辦事之處亦令劉世明知之
理之處不敢掩其寸長合并附

奏伏乞

皇上睿鑒謹

奏

覽

雍正八年六月初三日福建總督臣高其倬謹

奏為奏

聞事竊查福建水師官弁兵丁生長海濱慣於操駕其
水務之膽勇技藝實多可觀較之他省為優但多
泉漳之人習氣相沿仍有未能盡改者一則重同
鄉親友之情上下通聯彼此瞻庇不肯公直舉察
嚴緊管理一則以富相誇貪得苟取交互營私彼

此不恥各官弁兵丁犯此病者頗多臣幸仰蒙

皇上至高至厚之恩諄切

教訓恍如更生自期徹骨更改因思教誨之法與察管
並行實能啟發人心破其愚昧臣前此教導水師
官兵者尚未深切著明今詳細敬思推廣

聖訓之意作一牌檄欲刻作小本俾各水師官弁兵丁
詳看使之透徹從心內動念改起其機既振於有
志實改者即以激勵隨之於下愚不改者即以懲

叅隨之務使水師之中大改故習但恐臣之所言
未到不足動人謹另摺繕錄恭呈

御覽伏乞

聖恩指示教訓謹

奏

此意甚善如尚未刊布交付劉世明訓示施行

雍正八年六月初六日福建總督今調兩江總督

臣高其倬謹

奏為恭謝

天恩謹陳微悃事竊臣荷蒙

聖恩調臣兩江總督界臣乘驛

陞見臣聞

命之下感激涕零謹恭設香案望

闕叩頭謝

恩所有福建事務臣現在料理交付定於六月十一日

交印十五日起身於八月初二三日在京仰瞻

天顏恭聆

聖訓但臣之犬馬微忱更有上瀆

睿聽者臣受

恩之重實若再生得一圖報辦理之地努力勉奮乃臣

之至願臣之至幸豈肯自畫豈忍畏難然臣自揣

才力精神辦理福建一省已實勉強兩江地大事

多臣實不克勝任伏乞

皇上俯鑒蟻悃兩江總督之職另

簡賢能委用辦理庶封疆不致貽誤臣感戴
洪恩於無既矣為此繕摺冒昧懇

奏仰祈

睿鑒謹

奏

覽奏已悉卿謙讓情悃到京候朕面諭

同日又

奏為奏

聞事竊查沿海商漁船隻無論大小例應印烙給照開
載船戶姓名年籍以便汛口盤查杜絕姦匪茲於
雍正八年六月初四日據銅山營叅將稟稱本年
五月二十四日據撥守簷頭礁汛管隊陳海盤驗
小艇船三隻一船戶黃瑤并舵水三名一船戶黃
珀并舵水四名竝無縣給票照惟各執有禮部右
堂蔡圖書小單一張付該船戶販鮭往來生理一
給侍郎蔡圖書小單付楊陳在各港內等處洗蠟

生理并舵水二名亦無縣照除將原船三隻暫留
在汛撥兵看守其舵水九名移送漳浦縣查審外
理合專差稟明等情到臣續又據該叅將呈報本
年五月二十七日據守汛管隊陳海稟稱本月二
十四日蒙差押解蔡宦私照小艇船戶黃瑤等并
舵水九人赴漳浦縣查收海遵即赴汛押送詎伊
恃勢強橫黨結不識姓名十餘人搶奪舵水人等
并將所獲原船內楊陳一隻駕駛而去緣伊等人

衆勢橫不敢與之爭奪理合稟明等情轉報前來
臣查禮部侍郎蔡世遠之子舉人蔡長漢不守本
分私抽稅銀經觀風整俗使臣劉師恕奏
聞據蔡世遠具

奏陳辯蒙

皇上將奏摺發交臣秉公查審臣回任後隨檄行布按
二司查審詳報在案茲復據該營具報前情似此
正值查審之時尚敢違例給照恃勢妄行不法已

極除將署漳浦縣知縣李曙漫無覺察之處會同
撫臣具疏

題叅外一面嚴行飛飭查拏妄行擅給照票之蔡世
遠子弟家人究訊實情詳報併飭催將蔡長漢抽
稅之處秉公速審另行具

奏所有勢宦違例給照生事不法情由理合奏

聞謹

奏

此奏據實不隱殊屬可嘉

硃批諭旨卷一百七十六之九



總校官庶士呈臣侍朝

校對官編修臣莫瞻菴

膳錄監生臣范從理